

ქალაქ ქუთაისის მუნიციპალიტეტის საკრებულოს წევრის, მიხეილ გიორგაძის

2023 წლის ანგარიში გაწეული მუშაობის შესახებ

მოგესხნებათ, რომ 2021 წლის დეკემბრის თვიდან უფლებამოსილების განხორციელებას შეუდგა მეშვიდე მოწვევის საკრებულო, ჩემი საკრებულოს წევრად არჩევა მოხდა 2023 წლის 29 აპრილის შუალედური არჩევნების შედეგად (უფლებამოსილება კი ივნისის თვიდან დადგა) ავტოქარხნის ამომრჩეველთა უმრავლესობამ მხარი დამიჭირა, რისთვისაც კიდევ ერთხელ დიდი მადლობა მინდა გადაგიხადოთ .ეს მხარდაჭერა კიდევ უფრო ზრდის ჩემი გუნდის პარტია „ქართული ოცნების“ პასუხისმგებლობას. საკრებულოს წევრობა და პარტია „ქართული ოცნების“ გუნდისგან ნდობის გამოცხადება დიდი პატივია და როგორც ზემოთ აღვნიშნე პასუხისმგებლობაა .

ანგარიშვალდებულება ამომრჩეველების წინაშე და საჯაროობის პრინციპის დაცვა, მე როგორც საკრებულოს წევრს მავალდებულებს წარმოგიდგინოთ ინფორმაცია ჩემი საქმიანობის შესახებ.

თითოეული გადაწყვეტილება, რომელიც საბოლოოდ საკრებულოს სხდომაზე სამართლებრივი აქტის სახეს იღებს, მუშავდება კომისიების მიერ საქართველოს კანონმდებლობით, საკრებულოს რეგლამენტითა და შესაბამისი კომისიის დებულებით განსაზღვრული პროცედურების დაცვით. შესაბამისად აქტიურად ვარ ჩართული საკრებულოს კულტურის, განათლების, ახალგაზრდობის საქმეთა და სპორტის ასევე ჯანდაცვისა და სოციალურ საკითხთა კომისიების საქმიანობაში.

საანგარიშო პერიოდის განმავლობაში, ჩემი მონაწილეობით ჩატარდა საკრებულოს კულტურის, განათლების, ახალგაზრდობის საქმეთა და სპორტის 5 (ხუთი) სხდომა.

- ✓ საკრებულოს კულტურის, განათლების, ახალგაზრდობის საქმეთა და სპორტის კომისიას საანგარიშო პერიოდში ჩატარებული აქვს 5 სხდომა, სადაც განხილულ იქნა 5 საკითხი.

ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისია მონაწილეობდა 2023 წლის ბიუჯეტის ფორმირებაში. კომისია აქტიურადაა ჩართული როგორც კულტურის, განათლების, ახალგაზრდობის საქმეთა და სპორტის მიმართულებით სხდასხვა აქტივობებსა და ღონისძიებებში, ასევე საზედამხედველო ფუნქციებიდან გამომდინარე მათ მონიტორინგში. ის მნიშვნელოვანი ფუნდამენტი ჩვენი კომისიის მუშაობისა, რომელსაც ჯერ კიდევ შარშან ჩაეყარა საფუძველი და რომელიც კულტურის განვითარების სტრატეგიას გულისხმობს, აქტუალობასა და მნიშვნელობას სძენს ყველა კულტურული ღონისძიების დაგეგმვის, განხორციელებისა და კონტროლის ეფექტური მექანიზმის ამუშავების პროცესს.

განსაკუთრებული მნიშვნელობა აქვს ცენტრალური მთავრობისა და აგილობრივი ხელისუფლების ურთიერთთანამშრომლობის ფარგლებში დაგეგმილ და შესრულებულ გლობალურ პროექტებს, როგორებიცაა ოლიმპიური სტანდარტების

აუზის მშენებლობა, განახლებული ქუჩები, გამზირები, სკვერები და რაც განსაკუთრებით მნიშვნელოვანი გადაწყვეტილებაა, სკოლის მოსწავლეების გათავისუფლება მუნიციპალური ტრანსპორტის გადასახადისაგან.

განათლების მიმართულებით, ყურადსაღებია განსაკუთრებული წარმატებების მქონე ახალგაზრდების წახალისება სტიპენდიით, 12 სტუდენტს წლის განმავლობაში ყოველთვიურად ერიცხება 300 ლარი. დღემდე განხორციელდა ისეთი ღონისძიებები, როგორც კალიგრაფიის კონკურსი; ინტელექტუალური კონკურსი ჩატარდა როგორც ბრეინ-რინგის, ასევე ჯეპარდის მიმართულებით. საჯარო სკოლების VIII-IX-X კლასების 120 წარმატებული მოსწავლისთვის მოეწყო საზაფხულო ბანაკი სამ ნაკადად დაბა ბაკურიანში.

მუნიციპალიტეტისთვის პრიორიტეტია ახალგაზრდების მრავალმხრივი განვითარების ხელშეწყობა, მათი საზოგადოებრივ ცხოვრებაში ინტეგრირება, ახალგაზრდული ინიციატივების მხარდაჭერა, ჯანსაღი ცხოვრების წესის დამკვიდრება. ახალგაზრდული პროგრამის ერთ-ერთ მნიშვნელოვან პრიორიტეტს წარმოადგენს, ახალგაზრდული ინიციატივების მხარდაჭერა, ამ მიზნით, ადგილობრივ ბიუჯეტში გამოიყო 130 000 ლარი, რომლის ფარგლებში დაფინანსდა ათი ინიციატივა, მათ შორის: („სოციალური პლატფორმა სტარტაპერებისთვის; „საზაფხულო კინო სკოლა ქუთაისელი ახალგაზრდებისათვის“; „სამოქალაქო თავდაცვა და სიმულაციური სწავლება“; „ახალგაზრდები მშვიდობიანი თანაცხოვრებისთვის“; „ციფრული კომპეტენციების განვითარება ახალგაზრდებში“; „გასტრონომიული ფესტივალი და ადგილობრივი მუსიკოსების საღამო“; „გააუმჯობესე შენი მომავალი“; „ახალგაზრდების ინფორმირებულობა ჩართულობის გზით“; „შეზღუდული შესაძლებლობის მქონე პირის პერსონალური ასისტენტების მომზადება და სერვისის პილოტირება ქუთაისის მუნიციპალიტეტში“). აღსანიშნავია, რომ ადგილობრივი თვითმმართველობის ბიუჯეტიდან 65 000 ლარით დაფინანსდა ზამთრისა და ზაფხულის ლიდერთა სკოლები, სადაც 14-29 წლამდე ასაკის 180-მდე ახალგაზრდამ მიიღო მონაწილეობა.

„ქუთაისქალაქობა 2023“ ფარგლებში გაიმართა სხვადასხვა აქტივობები, კონცერტები, საერთაშორისო ტურისტული ბაზრობა, თანამედროვე ხელოვნების საერთაშორისო ფორუმი „ქარავან არტ ფორუმი ქუთაისი 2023“ მსოფლიოს სხვადასხვა ქვეყნებიდან მოწვეული მხატვრების, ფოტოხელოვანების, ხელოვნებათმცოდნეების და კურატორების მონაწილეობით (საქართველო, საფრანგეთი, გერმანია, ბელგია, პოლონეთი, ესტონეთი, ლიტვა, უკრაინა და საბერძნეთი).

- ✓ ასევე აქტიურად ვარ ჩართული საკრებულოს ჯანდაცვისა და სოციალურ საკითხთა კომისიის მუშაობაში საანგარიშო პერიოდში ჩატარებულია 2 სხდომა, სადაც განხილულ იქნა შემდეგი საკითხები:

აუტიზმის სპექტრი მქონე და ბავშვთა რეაბილიტაციის ქვეპროგრამაში მოხდა ცვლილება, ბენეფიციართა ასაკი გაიზარდა 17 წლამდე. ფენილკეტონურიითა და ცელაკით დაავადებულ პირთა დახმარების ბიუჯეტი გაიზარდა 50 000 ლარით.

ჯანდაცვისა და სოციალური საკითხთა კომისიამ სამუშაო შეხვედრა გამართა ქალაქში არსებული პოლიკლინიკების ხელმძღვანელებთან, შემუშავდა კითხვარი ბავშვებში პირველადი იმუნოდეფიციტთან დაკავშირებით და ველოდებით სტატისტიკას თუ რამდენი მოზარდია აღრიცხული რათა მოხდეს დახმარება მათთვის საჭირო შემდგომი კვლევების დაფინანსებაში

- ✓ გარდა საკრებულოს საქმიანობაში აქტიური მონაწილეობისა მაქვს ორგანიზებული შეხვედრები მოსახლეობასთან. ასევე ხშირია გასვლები უბნებსა და ბაღებში, სადაც შესაძლებელია მიმდინარე სამუშაოების კონტროლი, ადგილზე მოსახლეობის პრობლემების, მოსაზრებებისა და შენიშვნების მოსმენა. ამ სახის შეხვედრების დროს მოსახლეობა ითხოვს სხვადასხვა სახის დახმარებას და იკვეთება არაერთი პრობლემა.

2023 წელს საანგარიშო პერიოდში მიღებულია 250 მოქალაქე, ისინი მოგვმართავენ სხვადასხვა სახის პრობლემების მოგვარების მიზნით. მათი პრობლემის უმრავლესობა გადაწყვეტილია დადებითად, ნაწილი კი მოგვარების პროცესშია. ყოველთვის ვცდილობ ჩვენამდე მოსულ ყველა ადამიანს გაუწიო დახმარება ჩემი კომპეტენციის ფარგლებში და ვეძებ გზები მოგვარებისთვის.

- ✓ აქტიურად მიმდინარეობს შეხვედრები სკოლის პედაგოგებთან და მათი მოსაზრებებისა თუ იდეების მოსმენა, რაც ძალზე მნიშვნელოვანია, რადგან პედაგოგთა ხედვა, მაღალი პასუხისმგებლობა და ახალგაზრდულ პრობლემებთან მუდმივი შემხებლობა მნიშვნელოვანს ხდის მათ მოსაზრებებს.
- ✓ ხშირი შეხვედრები მაქვს ავტოქარხნის დასახლების ახალგაზრდობასთან, რაც საშუალებას მძლევს შევისწავლო მათი მოთხოვნები და აქტიურად ჩავეერთო ჯანსაღი ცხოვრების წესის დამკვიდრებაში და ახალგაზრდული პრობლემების გადაჭრაში. ახალგაზრდები თვლიან დამეც ვეთანხმები, რომ აუცილებელია გაგრძელდეს ადგილობრივი თვითმმართველობის პოლიტიკა, რომელიც გულისხმობს ახალი რეკრეაციული სივრცეების შექმნას, სპორტ დარბაზებისა და სტადიონების გამრავლებას და ახალგაზრდული იდეების განხორციელებისათვის გამოყოფილ სივრცეებს, რათა სტუდენტებმა, მოსწავლეებმა და იმ ახალგაზრდებმა რომლებიც არსად არიან დასაქმებულები მოახდინონ შეხვედრები და ერთმანეთებს გაუზიარონ მათთვის საჭირო და საინტერესო იდეები.
- ✓ მოქალაქეებმა მომმართეს ფინანსური დახმარების შესახებ, მომართა 8 მოქალაქემ, აქედან ხუთზე გაიცა ფინანსური დახმარება, ხოლო 3 მოქალაქეს ადგილობრივი თვითმმართველობის სხვა სოციალური პროგრამით ჰქონდა ნასარგებლები ამიტომ ვერ დავეხმარეთ.
- ✓ მინდა ავღნიშნო, რომ სულ ახლახანს, სტოკჰოლმის სმენადაქვეითებულთა ასოციაციისა და ქუთაისში ყელ-ყურ-ცხვირის კლინიკა „გიდი“-ს ინიციატივით, ქუთაისის მუნიციპალიტეტის ჩართულობითა და თანამონაწილეობით, 25 სექტემბერიდან 13 ოქტომბრამდე ქ. ქუთაისში განხორციელდა შვედური პროექტი, რომელიც მოიცავს საჯარო სკოლებში დაწყებითი კლასის მოსწავლეების სმენის სკრინინგს. შვედეთიდან ჩამოსულმა ჯგუფმა 5 აუდიოლოგის შემადგენლობით ჩაატარა სმენის კვლევა სხვადასხვა საჯარო სკოლებსა და კერძო სკოლებში. გამოკვლეულთაგან ყველაზე მცირე ასაკის იყო 2 თვის და ყველაზე ხანდაზმული 93 წლის. მათ ვისაც აღმოაჩნდა პრობლემა უზრუნველყოფილი იქნენ სასმენი აპარატით. ასევე 6, 7 და 8 ოქტომბერს ინგერ უჰლენმა, კაროლინსკას უნივერსიტეტის ასოცირებულმა პროფესორმა, ჩაატარა ტრენინგი ყელ-ყურის-ცხვირის ექიმებისა და სხვადასხვა კლინიკის ნეონატალურ სკრინინგზე მომუშავე

მედ.პერსონალისთვის. ასევე კლინიკა „გიდი“ს ბაზაზე აუდიოლოგიური ცენტრის შესაქმნელად მისცემს რჩევებს და მომავალ თანამშრომლობაზე შეთანხმდებიან.

შედეგი:

სკრინინგში მონაწილეობდა 2100 მოსწავლე, აქედან 48-ს დაუფიქსირდა სმენის პრობლემა და საჭიროებდა 1 ან 2 სასმენ აპარატს. ასე რომ 73 ხარისხიანი, ციფრული სასმენი აპარატი უსასყიდლოდ გადაეცათ სწორედ ამ ბავშვებს. ანუ 2,3% (ევროპის ქვეყნებში 0,5% ია) აღმოჩნდა სმენის დარღვევით.

246 მოზრდილს ჩაუტარდა აუდიომეტრიული კვლევა, მათ შორის პედაგოგებს, აქედან 130 პიროვნებას ასევე საჩუქრად გადაეცა 199 სასმენი აპარატი.

- ✓ ქუთაისის მუნიციპალიტეტის გენდერული თანასწორობის საბჭოს 2023 წლის სამოქმედო გეგმის ერთ-ერთ პრიორიტეტს წარმოადგენს ქუთაისში მცხოვრებ გოგონათა და ქალთა დასაქმებისა და მათი ეკონომიკური გაძლიერების ხელშეწყობა.

აღნიშნულის ფარგლებში ქუთაისის მუნიციპალიტეტის ავტოქარხნის ადმინისტრაციულ ერთეულებში ჩატარდა საინფორმაციო შეხვედრა , რომელშიც მონაწილეობდნენ აკაკი წერეთლის სახელმწიფო უნივერსიტეტის პროფესიული განათლების ცენტრის ხელმძღვანელი გიორგი ოკრიბელაშვილი, კოლეჯ " იბერიას " წარმომადგენელი თამარ მანაგაძე , დასაქმების ხელშეწყობის სახელმწიფო სააგენტოს წარმომადგენელი ევა ლეჟავა.

მოქალაქეებმა მიიღეს ინფორმაცია სახელმწიფოს მიერ დაფინანსებულ პროფესიული საგანმანათლებლო პროგრამების და დასაქმების შესაძლებლობების შესახებ .

- ✓ ასევე სიხარულით მიიღო გაცნობით, რომ ავტომშენებლის ქუჩაზე რეკრეაციული ინფრასტრუქტურის მოწყობა იგეგმება. შესაბამისი სამუშაოების შესყიდვის მიზნით, ქალაქის მერიას 3 მილიონი ლარის ღირებულების ტენდერი [NAT230017212] აქვს გამოცხადებული.

აღნიშნული სკვერი იქნება ქალაქის ულამაზესი ადგილი, სადაც სხვადასხვა ასაკის თუ ინტერესის ადამიანები შეიკრიბებიან, ერთმანეთს გაუზიარებენ თავიანთ მოსაზრებებს. ასევე ავტოქარხნის დასახლებისთვის ეს იქნება უდიდესი რეკრეაციული ზონა.

- ✓ ხარებავას ქუჩაზე სრულდება ახალი საჭიდაო დარბაზი, რომელიც ჩვენი უბნისა და ქალაქის ახალგაზრდებს საშუალებას მისცემს მიიღონ სრულყოფილი მომსახურეობა, რაც ხელს შეუწყობს მნიშვნელოვან წარმატებებს მიაღწიონ სპორტის ამ სახეობაში.
- ✓ წითელი ჯვრის ორგანიზაციასთან თანამშრომლობით იგეგმება დახმარება გაეწიოს ავტოქარხნის დასახლებაში მცხოვრებ უკრაინიდან ლტოლვილ 60 წელს ზემოთ მოქალაქეებს.
- ✓ მოგეხსენებათ, რომ ავტოქარხნის დასახლებისათვის უდიდეს პრობლემას წარმოადგენს სანიაღვრე სისტემა, რაც წინა საუკუნიდან იღებს სათავეს და 90 – 2000 წლებში კიდევ უფრო უარესდებოდა რადგან სანიაღვრე არხები მოსახლეობამ ზოგ შემთხვევაში ამოავსო და ზოგ შემთხვევაში შეავიწროვა საკუთარი ეზოსა თუ შენობების გაფართოების მიზნით.

აღნიშნული პრობლემის მოგვარებას ჩვენი გუნდი პრტია „ქართული ოცნება“ აქტიურად ცდილობს, რაც გამოიხატება შემდეგში: გორა-საქუსლის დასახლებაში,

კოლხეთის ქუჩაზე კეთდება სანიაღვრე არხი, რომელიც მოსახლეობას უსაფრთხოებას შეუქმნის წვიმებისა და წყალდიდობების დროს.

სტიქიის შედეგების სალიკვიდაციო ღონისძიებების ფარგლებში, საქართველოს მთავრობის 20.01.2023 წლის №116 განკარგულებით გამოიყო 2000.0 ათ.ლარი. მათ შორის, სახურავის შესაკეთებელი მასალა გადაეცა 591 ობიექტს: 282 ბინათ მესაკუთრეთა ამხანაგობას და 309 კერძო პირს. 1 337,4 ათ.ლარით დაფინანსდა 49 ერთეული დაზიანებული სახურავის შეკეთებითი სამუშაოებზე, რომელიც დასრულებულია.

სხვადასხვა სახეობის სპორტულ – გამაჯანსაღებელი და დასასვენებლად განკუთვნილი ობიექტების მოწყობა – რეაბილიტაცია – ექსპლოატაცია:

დასრულებულია:

ხარებავას ქუჩის №1-ის მიმდებარედ, მინი მოედნისა და მცირე რეკრეაციული ინფრატრუქტურის მოწყობა –34.3 ათ.ლარი;

- ✓ მომმართა მოქალაქემ მაყვალა ჩაკვეტაძემ, (ოჯახის წევრები 4 სული) რომელსაც გორა-საქუსლის ქუჩაზე 2022 წელს დაეწვა სახლი, მას ქალაქ ქუთაისის მუნიციპალიტეტის მერიამ გაუწია ერთჯერადი ფინანსური დახმარება, რაც უმნიშვნელოვანესი იყო აღნიშნული მოქალაქისთვის, თუმცა ეს დახმარება სახლის სრულ რეაბილიტაციას ვერ უზრუნველყოფდა, ამიტომ ჩემი პირადი ბიუჯეტიდან და ავტოქარხანაში არსებული სკოლების თანამშრომელებისა და მშობლების ქველმოქმედების საფუძველზე ვიწყებთ მაყვალა ჩაკვეტაძისათვის დახმარება რათა მან შეეძლოს ეს ზამთარი საკუთარ სახლში გაატაროს.
- ✓ რაც შეეხება ჩემს სამომავლო გეგმებს, მე, როგორც საკრებულოს წევრი და ფრაქცია „ქართული ოცნების“ თავმჯდომარე ნებისმიერი საქმიანობის პროცესში ჩემი მთავარი პრიორიტეტები იქნება, იმ საჭირობოროტო საკითხების მოგვარება, რომელიც აწუხებს ჩვენს მოსახლეობას.

ქალაქ ქუთაისის მუნიციპალიტეტის საკრებულოს

წევრი, მაჟორიტარი დეპუტატი

მიხეილ გიორგაძე